

**KJKP „VODOVOD I KANALIZACIJA“ d.o.o. SARAJEVO**  
**DIREKTOR**  
**Izvod broj : KZ 37/20-P**

Sarajevo, 30.12.2020. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj: KZ 37/20-P od 30.09.2020. godine, u postupku javne nabavke br. **KZ 37/20-P „Opravka vozila VW UP u garantnom roku“**, donosi se:

**O D L U K A**

o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj KZ 37/20-P od 30.09.2020. godine i ugovor za javnu nabavku usluga: „**Opravka vozila VW UP u garantnom roku**“ – tender broj **KZ 37/20-P** dodjeljuje se ponuđaču : „**AC QUATTRO**“ d.o.o. Sarajevo, ponuda broj: **45/20** od **18.08.2020. godine**, za ponuđenu cijenu od **16.902,62 KM bez PDV-a**, kao najbolje ocijenjenom.

**Član 2.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : KZ 37/20-P od 28.07.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost predmetne javne nabavke bez PDV-a iznosi: 18.000,00 KM.

Obavještenje o nabavci broj: 247-7-2-109-3-232/20 poslato je na objavljivanje na Portal javnih nabavki dana 29.07.2020. godine.

Komisija za javnu nabavku imenovana je Rješenjem br. 50/20 od 25.06.2020. godine i dopunskim Rješenjem za promjenljive članove komisije br. KZ 37/20-P-1 od 28.07.2020. godine.

Komisija za javnu nabavku dostavila je dana 12.10.2020. godine Preporuku o izboru najpovoljnijeg ponuđača broj KZ 37/20-P u postupku javne nabavke usluga: „Opravka vozila VW UP u garantnom roku“ – tender broj KZ 37/20-P.

Komisija za javnu nabavku je sačinila odgovarajuće zapisnike u kojima je utvrđeno sljedeće :

- Da je ukupan broj pristiglih ponuda : 1 (jedna) ponuda – „AC QUATTRO“ d.o.o. Sarajevo;
- Da je blagovremeno zaprimljeno : 1 (jedna) ponuda – „AC QUATTRO“ d.o.o. Sarajevo;
- Da nije bilo neblagovremeno zaprimljenih ponuda;
- Da dostavljena ponuda ponuđača „AC QUATTRO“ d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač
		„AC QUATTRO“ d.o.o. Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 3.	DA
2.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Komisija konstatuje da ponuđač „AC QUATTRO“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponuđač
		„AC QUATTRO“ d.o.o. Sarajevo
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA
2.	<b>Tačka: 16 TD: pod brojem 1.</b> Obrazac za ponudu – Aneks II; Prilog 1.	DA
2.1	<b>Tačka: 16 TD: pod brojem 1.1</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	DA
4.	<b>Tačka 31 i 36 TD:</b> Nacrt okvirnog sporazuma – Prilog 6.	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 7.	DA
6.	<b>Tačka: 43 TD:</b> Povjerljive informacije – Prilog 5.	DA

Komisija konstatuje da je ponuđač „AC QUATTRO“ d.o.o. Sarajevo u Obrascu za cijenu ponude – Aneks III; Prilog 2 izvršio podebljanje jednog broja u traženoj rubrici “kontakt telefon/fax ponuđača” i to tako da je isti upisao broj telefona: 033/721 – 491 i pri tome podebljao broj 9. Komisija konstatuje da navedeno ne predstavlja nedostatak zbog kojeg bi ponuda trebala biti odbačena.

U pogledu ocjene prihvatljivosti ponude ponuđača: “AC QUATTRO” d.o.o. Sarajevo, br. 45/20 od 18. 8. 2020 godine, koja je dostavljena u postupku javne nabavke usluga: “Opravka vozila VW UP u garantnom roku” – KZ 37/20-P, Zehra Tihić, dipl. pravnik kao zamjenik člana komisije za JN je izdvojila mišljenje u odnosu na ostale članove komisije i smatra da ista nije prihvatljiva zbog slijedećih razloga:

U dostavljenoj ponudi su na više mjesta izvršene ispravke koje nisu u skladu sa zahtjevima iz tenderske dokumentacije i to:

- U Obrascu za ponudu, Aneks II; Prilog 1. izvršene su ispravke na strani broj 4. u popisu dostavljenih dokumenata, izjava i obrazaca sa nazivima istih u koloni pod rednim broj 5. i koloni broj 6. na način da su prepravljani brojevi 14/34 i 15/34. Izvršene ispravke nisu u skladu sa zahtjevima tenderske dokumentacije definisanim tačkom 17.1.5 Ispravke u ponudi:

- U Obrascu za cijenu ponude, Aneks III, Prilog 2, izvršena je ispravka u koloni br. 1. - Puni naziv i sjedište ponuđača, Tel/fax na način da je broj 9 prepravljen. Izvršena ispravka nije u skladu sa zahtjevima tenderske dokumentacije definisanim tačkom 17.1.5 Ispravke u ponudi. Evidentno je da se radi o „ispravci broja” a ne „podebljanju broja” i da se isto ne može smatrati manjim odstupanjem nego ispravkom. Mišljenja sam da se podebljanje teksta, slova, broja i sl., inače ne može smatrati odstupanjem niti se može podvesti pod kategoriju odstupanja za slučajeve koje su predviđeni tenderskom dokumentacijom jer isto ne može predstavljati niti odstupanje od nekog zahtjeva niti grešku.

- U Izjavi o ispunjenosti uslova iz člana 45. stav (1) tačka od a) do d) Zakona o javnim nabavkama BiH („Službeni glasnik BiH” br. 39/14) izvršena je ispravka u nazivu postupka javne nabavke u dijelu izjave gdje je bilo potrebno navesti tačan naziv i vrstu postupka. Izvršena ispravka nije u skladu sa zahtjevima tenderske dokumentacije definisanim tačkom 17.1.5 Ispravke u ponudi.

Tačkom 17.1.5 tenderske dokumentacije - Ispravke u ponudi, definisano je:

*Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).*

***Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.***

S obzirom da u skladu sa članom 2. Zakona o javnim nabavkama ponuda može biti prihvatljiva ako ispunjava sve uslove koji se traže tenderskom dokumentacijom, a da je u skladu sa odredbama člana 68. stav (4) tačka i) Zakona o javnim nabavkama ugovorni organ dužan odbaciti ponudu u slučaju kada ponuda nije potpuna i ne ispunjava zahtjeve iz tenderske dokumentacije, smatram da ponuda ponuđača “AC QUATTRO” d.o.o. Sarajevo, nije prihvatljiva iz razloga što isti nije postupio u skladu sa navedenim zahtjevima iz tenderske dokumentacije.

U skladu sa Odlukom o načinu glasanja i odlučivanja Komisije za javne nabavke broj: 07/20 od 08. 01. 2020 godine Komisija je glasala i većinom glasova zauzela stav da je ponuda ponuđača „AC QUATTRO“ d.o.o. Sarajevo prihvatljiva.

Nakon navedenog, Komisija konstatuje da je ponuđač „AC QUATTRO“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „AC QUATTRO“ d.o.o. Sarajevo potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „AC QUATTRO“ d.o.o. Sarajevo konstatovano je da postoji greška računске prirode i to:

- U poziciji br. 11 tehničke specifikacije (zamjena stakla prednjih lijevih vrata) gdje se množenjem kolone br. 8 (količina) i kolone br. 9 (Jedinična cijena u KM) dobije iznos 420,80 KM, a ne 408,80 KM koliko je upisano u koloni br. 10. (Ukupna vrijednost u KM bez PDV-a). Isto je upisano u koloni br. 13. (Konačna ukupna vrijednost u KM bez PDV-a). Samim tim ukupna vrijednost ponude iznosi 16.902,62 KM bez PDV-a, a ne kako je navedeno 16.890,62 KM.

Shodno navedenom, dana 24. 9. 2020 godine upućen je dopis ponuđaču "AC QUATTRO" d.o.o. Sarajevo za saglasnost za ispravku greške računске prirode. Od strane ponuđača "AC QUATTRO" d.o.o. Sarajevo dana 25. 9. 2020 godine dobijena je saglasnost.

Konstatovano je da je ponuđač „AC QUATTRO“ d.o.o. Sarajevo dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „AC QUATTRO“ d.o.o. Sarajevo iznosi **16.902,62 KM bez PDV-a.**

Komisija većinom glasova daje prijedlog Ugovornom organu da za nabavku usluga „**Opravka vozila VW UP u garantnom roku**“ – tender broj **KZ 37/20-P** donese Odluku o dodjeli ugovora ponuđaču: „**AC QUATTRO**“ d.o.o. Sarajevo, broj ponude br: **45/20 od 18. 8. 2020 godine**, čija vrijednost ponude iznosi: **16.902,62 KM bez PDV-a.**

Iz gore navedenih razloga, ugovorni organ je prihvatio preporuku komisije i primjenom odredbi člana 64. stav (1) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :

- Ponuđaču
- a/a



**Direktor**

*Enver Hadžiahmetović*  
Enver Hadžiahmetović, dipl. ing. maš.